

TARIKH : 17 JANUARI 2023  
AKHBAR : SINAR HARIAN  
MUKA SURAT : 29

## Faktor luaran lonjak dagangan

# Faktor luaran lonjak dagangan

Pembukaan semula sempadan China tingkatkan eksport dan import negara

KUALA LUMPUR

**P**embukaan semula sempadan China dilihat sebagai pemangkin untuk aktiviti perdagangan luar dan pelancongan Malaysia, menurut MIDF Research.

Dalam laporan penyelidikannya pada Isnin, ia mengunjurkan eksport dan import Malaysia berkembang, masing-masing sebanyak 9.2 peratus dan 9.5 peratus untuk tahun ini berbanding 27.1 serta 32 peratus pada 2022.

"Ratifikasi Perkongsian

Ekonomi Komprehensif Serantau (RCEP) pada Mac 2022 dan Perjanjian Komprehensif dan Progresif bagi Perkongsian Trans-Pasifik (CPTPP) pada Oktober 2022 akan meningkatkan prestasi perdagangan luar Malaysia untuk tahun ini dan tahun-tahun seterusnya," kata MIDF.

Menurut laporan itu, pertumbuhan import China khususnya dijangka meningkat secara berterusan untuk menyokong aktiviti ekonomi tempatan yang bertambah baik.

Bagaimanapun, pertumbuhan eksport dijangka mengalami beberapa cabaran berikutan permintaan global yang lemah akibat kesan dasar monetari semakin ketat.

"Pada masa hadapan, jangkaan pasaran dan Bank Dunia meramalkan pemulihan ekonomi China dengan pertumbuhan Keluaran Dalam Negara Kasar

(KDNK) melebihi empat peratus," katanya.

Ia kesan daripada langkah kurang ketat boleh dilihat dalam aliran bulan ke bulan dalam prestasi perdagangan luar China, kata MIDF.

Eksport China mengembang 7.8 peratus pada 2022 berbanding 36.8 peratus setahun lalu.

Import pula meningkat dua peratus berbanding 30.6 peratus pada 2021, sementara pertumbuhan import yang lebih rendah disebabkan beberapa siri sekatan sepanjang tahun.

Eksport China menyusut dengan ketara pada Disember apabila permintaan global mereda.

Import turut merosot semula apabila jangkitan Covid-19 meningkat dan kemerosotan hartanah memberi kesan kepada permintaan domestik serta mencetuskan risiko kepada pemulihan ekonomi negara tahun ini. - *Bernama*



Penyertaan Malaysia dalam RCEP pada Mac 2022 dan Perjanjian CPTPP pada Oktober 2022 akan meningkatkan prestasi perdagangan luar Malaysia untuk tahun ini dan tahun-tahun seterusnya.